



Broj: 04-40-1-175/26
Sarajevo, 25.06.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 24.06.2026. do 08:30 sati 25.06.2026. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 24.06.2026. godine u 12:51 sati, od Policijske stanice Vogošća, da je na lokalitetu brda „Žuč“ pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 8 intervencija: dvije intervencije na gašenju otpada na otvorenom prostoru, jedan izlazak na teren po dojavi o dimu u haustoru zgrade i pet obezbjeđenja pretakanja goriva na Aerodromu.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 24.06.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Prilikom redovnog obilaska lokaliteta klizišta utvrđeno je da su na predmetnoj lokaciji i dalje u toku pripremni radovi u okviru prve faze sanacije klizišta, u skladu sa Glavnim projektom sanacije klizišta „Curine njive“. Vizualnim pregledom terena tokom obilaska nisu uočene nove pukotine niti druge promjene koje bi ukazivale na pogoršanje stanja.

Na gornjem dijelu lokaliteta, gdje se vrši odvoz zemljanog materijala, evidentirano je povećano prisustvo vlage uslijed podzemnih voda, što otežava izvođenje radova. U donjem dijelu lokaliteta, ispod igrališta, i dalje je prisutna erozija tla, bez vidljivog proširenja ili drugih značajnih promjena u odnosu na predhodni obilazak.

Na lokalitetu deponije stanje je bez značajnih promjena u odnosu na predhodni dan. Priimjetno je nešto manje prisustvo vlage u tlu u odnosu na predhodni period, dok je u gornjem dijelu deponije i dalje prisutno blago slijeganje. U donjoj zoni i dalje je evidentna pojava plavnih površina, bez vidljivih promjena u njihovom obimu. Također, nisu uočena nova odlaganja zemljanog niti drugog materijala.

Na lokalitetu Bistričkog potoka, nisu uočene nove degradacije, niti su poduzete aktivnosti na uklanjanju postojećih prepreka. U odnosu na predhodni dan stanje je bez većih promjena. Na lokalitetu Bistričkog potoka protok vode odvija se nesmetano. U gornjem dijelu, iznad mosta na području Općine Istočni Stari Grad, i dalje je prisutno obrušeno kamenje i oborena stabla, što može uticati na protočnost u slučaju povećanog vodostaja.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 19°C, vlažnost zraka 94%, barometarski pritisak 945,8 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a